



**PARLIAMENT**  
OF THE REPUBLIC OF SOUTH AFRICA

**ISIMEMO SOMPHAKATHI UKULETHA UBUFKAZI  
EKOMIDINI EYAHLONYWA NGOKWESISIGABA SE-194  
SOKUPHENYISISA – UKUPHENYISISA UKUKHUTJHWA  
E-OFFISINI KOMVIKELI WOMPHAKATHI, IGCW. UBUSISIWE  
MKHWEBANE (IIMEMO ZOBUFKAZI)**

IKomidi eyahlonywa ngokweSigaba se-194 sokuPhenyisisa (“iKomidi”) eyasungulwa yiNdlu yesiBethamthetho seNarha (“i-NA”) ibambe ukuphenyisisa okumayelana nesigaba se-194 somThethosisekelo ukuhlolisisa amacala amumethwe siTjhukumiso esathulwa mhlana amalanga ama-21 kuMhlojanja 2020 ngeNdlini yesiBethamthetho seNarha, esaphakamisa bona kusungulwe ukukhutjha komVikeli womPhakathi, iGcw. uB Mkhwebane, mayelana nezwangobatjho ethi uyabhalelwa ukwenza umsebenzi namkha unokungaziphathi kuhle.

**Umnqopho wokuPhenyisisa:**

- a) kuhlolisisa amacala amumethwe siTjhukumiso ukwenzela bona kuqalwe bona **iGcw. uB Mkhwebane**, uyabhalelwa ukwenza umsebenzi namkha uziphatha kumbi yena;
- b) bese kuthulwa umbiko ngeNdlini yesiBethamthetho seNarha mayelana nokutholweko neemphakamiso zayo.

IKomidi imema abantu bona bazise iKomidi, ngokuthumela imitlolo nangabe bafisa ukuletha ubufakazi babo ngaphambi kweKomidi obuzokusiza ukuhlolisisa isiTjhukumiso, kungakadluli ilanga lamhlana amalanga ama-23 kuMrhayili 2022 nokuyelelisa bona abafuna ukuletha isaziso esinjalo kufuneka bona benze isatimende namkha umtlole ofungelweko. Iminingwana yokuthintana kufanele ifakwe esazisweni esinjalo.

Omune nomune umuntu namkha iihlangano ezifisa ukuletha ubufakazi mayelana neendaba ezivezwe ngehla ezimumethwe siTjhukumiso kufuze zenze njalo ngokuthumela imitlolo efungelweko namkha ngesiqinisekiso sokuzibopha kungakadluli ilanga lamhlana amalanga **ama-3 kuMgwengweni 2022, nge-iri le-12h00.**

Izaziso nobufakazi ekukhulunywa ngakho kufuze kuthunyelwe eKomidi nge:

1. Imeyili ku Nobhala weKomidi, **uNom. Thembinkosi Ngoma ethi [ngoma@parliament.gov.za](mailto:ngoma@parliament.gov.za)** (inomboro zokumthinta zithi **083 709 8407**) namkha
2. Zithulwe ngokuzithela ngesandla ngokwenza amalungeselelo qangi noNobhala weKomidi.

Omune nomune umuntu namkha ihlangano, nakunesidingo, angabizwa namkha ibawiwe bona inikele ubufakazi obufungelweko ngaphambi kweKomidi ngokuyakomThetho waMandla wokuPhatha, amaGunya NemVumo yePalamende neemBethamthetho umThetho ween-2004, nanyana omune nomune umThetho wokuLawula ikambiso yePalamende neemBethamthetho zeemFunda, Akunabufakazi obungakafakwa ngaphakathi kwencwadi yesibopho obuzokwamukelwa.

UkuPhenyisisa kulandela ukuthunyelwa kombiko owahlelwa siQhema esizijameleko owatlolwa mhlana amalanga ama-24 kuMhlojanja 2021 owaphakamisa, ngokuya kweenzathu ezibekwe embikweni lo, bona amacala amumethwe siTjhukumiso adluliselwe eKomidini njengoba kubekiwe emiThethweni yokulawula iNdlu yesiBethamthetho seNarha.

UkuPhenyisisa kuzobanjwa ngendlela nangekambiso efaneleko, ngesikhathi esibekiweko esifaneleko.

Imitlolo elandelako iyafinyeleleka kubunzinzolwazi bePalamende obuthi [www.parliament.gov.za](http://www.parliament.gov.za)

1. UmTlole wesiTjhukumiso wokuthoma iPhenyisiso kunye nobufakazi obusekelako;
2. umTlole wokuziphendulela kwakamVikeli womPhakathi mayelana nesiTjhukumiso;
3. Umbiko ovela esiQhemeni esizijameleko esawunikela iNdlu yesiBethamthetho seNarha;
4. Imithetho yeNdlu yesiBethamthetho seNarha elawula ikambiso yendlu ukukhupha;
5. Nomtlole olandelwako ekusetjenzelwa ngaphasi kwayo owamukelwa yiKomidi mhlana amalanga ama-22 kuMhlojanja 2022 nongakhitjelelwa esinye nesinye isikhathi.

**Isimemo sikhutjhe nguMhlon. uNom. QR Dyantyi, iLunga lePalamende, uSihlalo weKomidi yesiBethamthetho seNarha ehlonywe ngokuya kweSigaba se-194 sokuPhenyisisa.**

**Parliament – Following up on our commitments to the People  
– Making your future work better**